

Albrecht von Werdenberg<sup>3</sup> gefangen gehaltene Bischof  
Hartmann von Chur<sup>4</sup> sowie Wolf<sup>5</sup> und Ulrich Düring<sup>6</sup>  
von Brandis durch eigene Urkunde bestätigen.

Ich Grâf Hainrich von Werdenberg von Sangâns.  
Herr ze Vadutz.<sup>1</sup> Tûn kund vnd vergich offenlich mit disem  
brief Allen den die In ansehent Lesent oder Hörent Lesen. Als es sich  
laider gefûget hât. Daz min Lieber ôhen sâlig . . / Grâf Rûdolf  
von Montfort<sup>2</sup> herr ze Veltkirch. von todes wegen abge-  
gangen ist. Vnd ich mich dâr nâch alles sinen Varenden gûtes und  
Varenden hab. von erbes wegen zû minen handen Vnderzogen vnd  
Vnderwûnden han. Daz ich da alle. / die gûlt vnd geltschulden. so der  
selb min lieber ôhen sâlig hinder jm gelâssen hat ze geltent. Wem daz  
ist. es sigint frôwen alder man. Wâ vnd an welchen stetten die sint  
gar vnd gantzlich vssrichten gelten vnd bezaln sol. ân mânglichs /  
schâden vngevärlich. jn aller der wyse vnd mâss. als ob es min aignû  
schuld sig. Ich vorgeanter Grâf hainrich<sup>1</sup>. hab och geschworn  
ainen gelerten ayd ze den hailigen- von der gûlt vnd geltschuld wegen.  
so der obgedâcht min lieber / ôhem sâlig. den Burgern vnd Burgerinen  
ze Veltkirch schuldig ist vnd gelten sol. Dârvmb ich Rechnung  
mit jnen getân hab. Ald ob sich noch fûrbas erfund. vnd ich des  
erjndert wûrd. mit Rechnung ald mit andern sachen. . / Daz ich jnen  
es wârint frôwen alder man. ainem oder mer. von sinen wegen vtz  
me schuldig wûrd. Daz ich vnd min erben ob ich nit wâr. jnen daz  
früntlich vnd beschâidenlich vssrichten vnd bezaln sollint. ân all  
widerred. Wâr / och daz gemainû Statt ze veltkirch. ald dehein  
Burger ald Burgerin von Veltkirch besunder. von des obgenanten  
mines ôhems sâligen. gûlt vnd geltschuld wegen versprochen hettint.  
vnd gûlt ald Bürgen dârvmb noch wârint / es sig verbrieftû ald vn-  
uerbrieftû schuld. ald ob daz wâr. daz si gemainlich ald sunderlich.  
von dehainer andrer siner schuld wegen. da hinder si nit wârint. nv  
ald hie nâch jemer vmb gezogen bekûmbert ald geschadget wûrdint. /  
Wie sich daz jemer gefûgti. Daz ich vnd min erben. Si vnd jr erben.  
da von gantzlich ân allen jnen schaden. entrihten lösen vnd ledigen  
söllint. jn der mâß. als ob ich si selber dârvmb versetzt hab. vnd es  
alles min aignû Red / lichû schuld sig ân all gevârd. Wâr aber daz  
ich vnd min erben. Si vnd jr erben. dirr obgedâchten jro selbs schul-